

النقد الكتابي واللغة اليونانية (1) مدخل إلى النقد الكتابي

محمد شاهين التابع

طبعاً بس في البداية الفيديو ده للذكرى يعني عشان خاطر مولانا معاذ عليان من الحضور ومولانا محمود داود من ومحمد عليان من الحضور وجميع الأخوة الأفاضل مش للتوزيع يعني ولو حد وصل له الفيديو ده ما تتفرجش عليه امسحه على طول - 00:00:00 طيب بسم الله الرحمن الرحيم. احنا طبعاً المفروض هنتكلم في النقد نص العهد الجديد. واي مصطلح انا هقوله بازن الله عز وجل ده اللي هيتفسر ويترسخ ما فيش اي مشاكل. لكن لازم نعرف في الاول النقد النصي ده يعني من انهي مجال علمي في دراسة الكتاب المقدس ونبي - 00:00:20

فين المواضيع يعني مربوطة ببعض ازاي علشان ايه ما تباقاش مجرد مصطلح احنا مش فاهمين للمصطلح ده آبا تكونوه ليه او تبع انهي في قسم من اقسام العلوم. دلوقتني هم عندهم علم دراسة الكتاب المقدس. زي ما احنا عندنا علوم - 00:00:40 القرآن هم عندهم علم دراسة الكتاب المقدس بيسموه نقد الكتاب. دلوقتني اه معزم العرب لما بييجوا استخدموها كلمة النقد غالباً بيتفهمو بشكل هجومي. يعني يقول لك ده بيتدق ده اه بيحاول يسيء لكتاب المقدس وهكذا. لكن اه العلم ده طبعاً مشهور عند علماء الغرب نادراً لما تلاقى كاتب اه عربي - 00:01:00

مسيحي بيكتب في مجال النقد الكتابي العلم ده باختصار عبارة عن دراسة كل ما يدور حول الكتاب المقدس. اي معلومات معلومات خاصة بالكتاب المقدس تدور تحت اه النقد الكتابي. هم بيسموها النقد الكتابي لفرعين - 00:01:30 بيسموه لنقد اعلى ونقد ادنى اللي هو برضه بالإنجليزي اللي هو بيسما علم دراسة الكتاب المقدس لفرعين النقد الاعلى ده النقد اللي لا الغرب ولا العرب بيقربوا منه. لانه علم خطير جداً بيدور - 00:01:50

حول انت دلوقتني عندك ولنفترض ان ده الكتاب المقدس الكتاب ده بيحتوي على نص نص الكتاب نفسه. واي شيء خاص ازاي النص ده جه؟ تمام؟ كده فرعين النص نفسه واي شيء خاص بالنص ده - 00:02:30 ازاي؟ النص ده جه ازاي؟ نقد اعلى. النص نفسه نقد ادنى. فانت عندك الكتاب ده مين اللي كتبه؟ ده نقد اعلى. كتبوا ليه؟ نقد اعلى. كان يقصد ايه؟ من كتابة الكتاب - 00:03:00

نقد اعلى. كتب لمين الكتاب؟ نقد على. يعني لما تيجي تفتح مسلاً تفسير لاي انجيل يقول لك مين كاتب بالانجيل ده كده بيتكلم في نقد اعلى كتبه سنة كام نقد اعلى كتبه بانهي لغة نقد اعلى كتبه لمين كان يقصد ايه في انهي زروف وهكذا - 00:03:20 وما تكلمش في اي نص ما فسحش الكتاب لسه. كل ما يدور حول الكتاب قبل ما يفتحه يراه. ده اسمه نقد اعلى. تمام النقد الادنى كل ما يدور حول النص نفسه. حول النص كنص - 00:03:40

خد بالك لما نيجي نسأل سؤال انا عندي نص معين النص ده لو سألكت معناه ايه؟ ببقى انا بتتكلم نقد اعلى. الكاتب كان يقصد ايه بالكتاب فنقد اعلى. التفاسير نقد اعلى. النص نفسه بيقول ايه؟ كلمات حروف مكتوبة ده نقد ادنى - 00:04:00 تمام؟ ببقى كل ما يدور حول آآسبوت النص نفسه كنص انت بتقره بغض النظر انت فهمت منه ايه ولا مين ايه اللي كتبه ولا اي حاجة من الحاجات دي ده بيسموه نقد ادنى. اي شيء اسئلة بتدور حوالي النص هو كاتب النص ده ليه - 00:04:30

هو مين اللي كتب النص ده؟ النص ده اكتتب سنة كام وهكذا؟ ده اسمه نقد اعلى. حلو كده؟ النقد الادنى ده بيسموه نقد نص لانه ايه بيتعامل مع النص نفسه كنص. ممتاز؟ لغاية دلوقتني كده الموضوع مفهوم - 00:04:50 كده ممتاز جداً. النقد الاعلى ده والنقد الادنى بصفة آآ عامة الكنيسة المصرية هنا كارهاه كره العمى. البابا شنودة كان له كتاب اسمه

النقد الكتابي. في الصفحة رقم الكتاب ده كان بي رد فيه على متى المسكين. متى المسكين يمكن من المفسرين يعني التابعين للكنيسة الارثوذكسيّة القبطية - 00:05:20

اللي تناولوا في تفاسيرهم مشاكل خاصة بالنقد الكتابي. هو الوحيد اللي كان بيتناول ده النص ده بيتناقض مع النص ده. ده ففي مشكلة في معرفة الكاتب. ده الوحي مسلا عند لوقا هل هو شاهد عيان ولا مش شاهد عيان؟ ده من من - 00:05:50

تفسير القليلة جدا اللي كانت بتتناول هذه المواضيع الشائكة. فالبابا شنودة كان بيقول ايه؟ بيقول بعض مدرسي الكتاب والوعاظ في بلاد الغرب يجعلون انفسهم قوامين على الكتاب. ده هو بينز للنقد الكتابي ان في شخص هو بيجعل نفسه أعلى من - 00:06:10
كتاب ده في نزرة البابا شنودة لكن عند الغرب النقد الكتابي بالنسبة لهم هو عاز يوصل لاي معلومات عن الكتاب مش مش بينقده او بيحاول يتسلط على الكتاب. بس احنا هنشوف يعني الموضوع زي ما بيقولوا سلاح آذو حدين - 00:06:30
بيقول ان في بعض الوعاز يجعلوا انفسهم آذو قوامين على الكتاب المقدس. شف بقى بيقول ايه يراجعون الفاظه. يراجعون الفاظه. ده انهي جزء من النقد الكتابي؟ يعني بيتكلم عن اللفظ عن الحرف - 00:06:50

ما دام بيتكلم عن تحديد النص نفسه بقى بيتكلم على نقد ادنى. طبعا ده كان صوت محمود بس للتوضيح. انفذه مش صحته. مش سجود النص راجعوا على الفاظه. لفz اللفz اللفz ده صحيح اللفz ده خاطئ - 00:07:20

لكن يرجعون احنا بقى المفترض نفتح حصة لغة عربية بقى. بيقى تفسير طب سكتوه طيب سكتوه. فتعمل شغب انت حر اصل ده بيستغل ان هو الوحيد اللي مش هيشرح ومش هيقف قصاد الكاميرا فمستخبي تحت وعمال بقى يتكلم. ما علينا. فهو قال - 00:07:40

يراجعون الفاظه بقى هو بيتكلم على ايه؟ النقد النصي. خد بالك ان الحتة دي بتبيّن فكر المسيحي انهي نقد بيوجعه اكتر. لانه بدأ بحال النص سابت ولا مش سابت؟ الكلمة دي كده ولا الكلمة دي كده هي اللي بتوجعه. المسيح - 00:08:10
متعود ان الحياة ماشية كده جهجهوني. ما يعرفش اصلا مين اللي كاتب ومش مهم كتب سنة كام ولا اي حاجة من دي. المهم ان النص الكتاب معنا بقى خلاص. تيجي انت تقول له بقى النص ده موجود ولا مش موجود؟ انت كده بتهرج. فعشان كده اكتر حاجة - 00:08:30

قالوا ايه؟ ان انت تشيل له النص خالص. ما هو ما يعرفش غير النص انت هتشيل له النص بقى انت ضيعت كل حاجة. فهو بيقول لك ايه؟ الناس دول - 00:08:50

بيخلوا انفسهم قوامين على الكتاب. الحتة دي بالنسبة لمراجعة الالفاظ حقيقة وہنتعلمه ان الناقد النصي بحسب ابحاثه هو وبحسب دراساته هو هو اللي بيحدد. يا جماعة نحط النص ده في الكتاب ولا ما نحطوش في الكتاب - 00:09:00
رسالة يوحنا الاولى خمسة سبعة ده نص اصيل ولا مش اصيل؟ نضيفه ولا نحزره؟ نكتبه في الهاشم ولا ما لوشن لازمة اصلا مش مهم المسيحي يسمع به. واحد بالك ازاي؟ فدي مراجعة الالفاظ. فالنقد النصي بيتعفهم جدا لأن اصلا اي شيء بيدور حوالين - 00:09:20
الكتاب مجھول فانت جيت على النص اللي وصل له منه اساقيص هتيجي تضيعه له انت كمان؟ ما ينفعش. فبيقول ايه راجعون الفاظه كما لو كانوا علماء في اللغة وينتقدون ما يشاون ويحدفون ما يشاون. مش - 00:09:40

الحوار ده. كان فيه تسجيل مشهور جدا للبابا شنودة. يقول لك الكتب المقدسة اللي الراجل ده بيشربها. فيها تعليقات في الهاشم. يقول لك النص ده موجود في المخطوطات والنص ده مش موجود. انت بتشك المؤمنين. لو مش موجود شيله خالص وريحنا. مش لازم تقدر بقى تكتب وتشك. فاهم ازاي - 00:10:00

ازاي؟ يعني ادي له نص وقل له ده الكتاب المقدس بقى وانت فاهم المسيحيين. يقول لك ده الفاندايك ده هو الكتاب بتاعي وانا ما ليش دعوة غير بالباندايك وما يكونش فاهم اصلا ان دي مجرد ترجمة ولا يفهم الترجمة دي جاية منين ما لوشن دعوة. هو البابا شنودة مربى اتباعه بالطريقة دي - 00:10:20

يدي له نص واحنا بقى نتصرف بقى نصرف بقى نصره بمزاجنا آنلعق عليه بمزاجنا ونحط الالفاظ اللي احنا عايزينه بعدين بيقول كما

لو كان الكتاب خاضعاً لعقولهم وليس عقولهم هي التي - 00:10:40

ينبغي ان تخضع للكتاب كما انهم جعلوا بعض اجزائه اقل اهمية من غيرها بس احنا بنفهم من المقطع ده ان اللي بيديق الكنيسة اكتر موضوع النقد الادنى. مش علشان النقد الادنى اهم من النقد الاعلى بالعكس هو المفروض عقلنا النقد الاعلى تعرف مين اللي كتب الكتاب ده وصل ازاى كتبه ليه وهكذا المفروض ده الاهم بعد كده - 00:11:00

تبقى تستلم الكتاب لكن علشان الحاجات دي هو بالنسبة له ما عندهوش اهل انه يتحصل على هذه المعلومات فخلاص يعني النص اللي وصل له بيتمسك بيها وخلاص طيب كان || كان في بقى كلام ايه كده - 00:11:30

خلاص خلصنا موضوع النقض الكتابي. وبس يا ولد يبقى احنا عندنا النقد الكتابي ده زي ما بنقول علوم القرآن كل العلوم الخاصة بدراسة الكتاب المقدس هم بيقسموها جزء حوالين الكتاب وجزء خاص من نص الكتاب نفسه. احنا المفروض بقى ايه هنبتدي نتكلم عن النقد النصي - 00:11:50

نفسه اللي هو النقد الهدمي. دلوقتي اول شيء لازم نكون عارفينه كمعلومات عامة عن العهد الجديد واعتقد ان انتم كلكم عارفين الحوار ده بس اه فذكر فان الذكرى تنفع المؤمنين. العهد الجديد طبعا او - 00:12:20

كتاب مقدس بشكل عام مهواش || كتاب زي القرآن الكريم || كتاب واحد من الجلدة للجلدة جيه بيها شخص واحد مجموعة كتب وهما مجمعينها مع بعض وبعدين حاطين عليها جلدة وكاتبين عليها العهد الجديد او العهد القديم وبعدين بيعملوا الاثنين مع بعض ويحطوا جلدة تانية ويقولوا ده كتاب مقدس - 00:12:40

فيالتالي المفروض ان الكتاب المقدس عبارة عن مجموعة كتب مع بعض كل كتاب له مؤلف لوحده كل كتاب كان له تاريخ قنص. عاوز بقى ايه اقول يعني ايه تاريخ انتقال نص. ده اللي هنبتدي - 00:13:00

نشر تاريخ انتقال النص خط جميل صح؟ دلوقتي طبعا الكتب المقدسة عندهم عدد الاسفار عليها اختلاف احنا مش هنتكلم عن العهد القديم. طبعا موضوع السبع اسفار الابو كريمة ده ما فيش فيه مشكلة - 00:13:20

لو في في بعض الاسفار هما متفقين عليها من النص العربي وبعدين جت ترجمة اسمها الترجمة السبعينية ودي ترجمة مهمة جدا فيها بعض الاسفار مش موجودة في النص العربي. ففي خلاف ما بين المسيحيين. هل الاسفار اللي - 00:13:50

وما لهاش اصل في العبر ده. المفروض يكونوا من الكتاب المقدس ولا نرميهم في اي حنة؟ ففي بعض الناس بيرموهم في الكتاب المقدس بتاعهم. وفي بعض الناس بيرموهم برة المقدس بتاعهم فايه في مجلد صغون كده اسمه الاسفار القانونية الثانية دول اللي بيرموهم برة الكتاب المقدس. يعني هم المفروض مؤمنين - 00:14:10

بها بس ايه لما نحتاجها نبقى نجيها لو مش محتاجينها هي مركونة بعيد. وهكذا لو في طايف تانية بتتبع الكتاب المقدس بكل الاسفار دي. زي النسخة مصر العربية المشتركة وكده والبسوعية. تاريخ انتقال النص باختصار يعني نص الكتاب نفسه - 00:14:30

عبر الزمن حصل فيه ايه؟ دلوقتي المفروض ان اي كتاب من كتب العهد القديم او او الجديد فيه واحد قعد جاب اللي بيكتب عليه سواء جلد ولا ورق بردی ولا اي شيء كان بيكتب عليه وقعد يكتب الكتاب بتاعه - 00:14:50

الكتاب ده اللي كتبه المؤلف بخط ايده دي اللي اسمها نسخة اصلية سمواها بالانجليزي او توغراف. دلوقتي في اه ملحوظة لاحظتها في عقول المسيحيين. تيجي تقول له فين النسخة الاصالية؟ يقول لي النسخ النسخ الاصالية موجودة - 00:15:10

روح اي متحف هو بيستخدم الكلمة على اساس ان دي مخطوططة للكتاب المقدس فهي نسخة اصلية ان هي مش مزورة يعني مش حد مفركمها دي نسخة تاريخية هو يقصد بالمعنى كده. لكن المعنى العلمي لما بييجوا يستخدموا لفظة النسخة الاصالية - 00:15:40

معناها النسخة اللي كتبها المؤلف بياده او من تولى كتابتها عنه. يعني انا جبت كوييس كده حطيت رجل على رجل وقويس قاعد بيكتب وانا بمليه. فدي النسخة الاصالية بتاعتي. بيقولوا ان بولس عمل كده - 00:16:00

ما كتبش بياده كان بيخليلي حد بيكتب له. فاللي الرجال كان بيكتب له ده هي دي تعتبر النسخة الاصالية. النسخة الاصالية دي بالنسبة لعهد الجديدة العهد الجديد ابتدئ يكتبوه من امتى؟ طبعا احنا قلنا لما نيجي نسأل عن اي معلومات بتدور حول الكتب بقى ده نقد

اعلى - 00:16:20

بدأوا يكتبوا من امتى؟ قالوا على حسب الدراسات التاريخية. بولس كان اول واحد بدأ يكتب. قولوا مسلا بدأ يكتب من سنة خمسين ولا حاجة طبعاً التواريخ دي لو فتحتم المراجع هتلاقوا ان ايه فيه رنج مش محددين بالزبط. فهم مسلا بولس بدأ يكتب من سنة خمسين - 00:16:40

آخر واحد كتب ما بين سنة خمسة وتسعين ومية. يعني بدأوا يكتبوا في العهد الجديد في النصف الساني من القرن الاول معلومة بسيطة علشان خاطر رشيد ووحيد واحد بالك انت القرون دي بتتقسم ازاي؟ قال لك ان - 00:17:00

المفروض من سنة واحد ميلادية لغاية سنة تسعه وتسعين ده القرن الاول. ومن مية لغاية مية تسعه وتسعين ده القرن الثاني. يعني القرن الاول بيتهي عند مية القرن الثاني بيتهي عند متين. القرن الثالث بيتهي عند تلتمية وهكذا - 00:17:20

فلو قلنا مسلا ان المخطوطة السنانية من القرن الرابع دي معناها ان هي ما بين تلتمية وربعمية. القرن الرابع بيتهي عند ربعمية تمام؟ حلو قوي. فاحنا قلنا ان في واحد قعد يكتب النسخة الاصلية بايده او خلي واحد يكتبها له - 00:17:40

ايه اللي حصل لكتاب ده؟ احنا دلوقتي في سنة الفين وعشرة. والراجل ده كتب قول من سنة خمسين ميلاديا او من سنة خمسة وثمانين ايما كان الكتاب اللي بنتكلم عليه. الكتاب ده وصل لنا ازاي؟ دلوقتي الوثائق بشكل عام - 00:18:00

تاريجيا كانت بتنقل بشكلين ما لهمش تاني. يا اما روایة شفهية يا اما مكتوبة. صح كده القرآن الكريم عندنا من قول ورواية شفهية. ناس بتحفظ تسمع لغيرها بيحفزوا بيسمعوا لغيرهم - 00:18:20

وهكذا لغاية ما توصلنا بالإضافة الى الى التدوين في في مصاحف قديمة ما فيش مشكلة لكن دي الطريقة الرئيسية في نقل الوثائق ایام الجاهلية عند العرب كان عندهم دواوين واسعار قد كده ما كانتش بتكتب - 00:18:40

كتف ورا كان ايه بيحفظ ويسمع والناس كانت من اول مرة يسمع القصيدة يحفزها تلزق في دماغه كده فدي كانت وسيلة. طب العهد الجديد اللي احنا بنتكلم عنه ده. انتقل لنا ازاي عبر التاريخ؟ احنا في سنة الفين وعشرة والراجل ده معه - 00:19:00

نسخة للعهد الجديد جت له ازاي دي؟ فبيقول لك ان العهد الجديد كان بينسخ نسخ اليدين. يعني ايه؟ اصل في بعض المسيحيين يعني ما بيحسبوهاش كده تاريجيا. بيفتكر ان ايه - 00:19:20

يعني كان في مكن تصوير وكان عم مرقص بيروح عند اه مش عارف مكتبة مين فورشليم ويصور له ميت نسخة يوزع في بعض المسيحيين اصل احنا لما بنقرأ في الكتب بيقول لك مستحيل انت تقرأ في الكتاب المقدس ليه - 00:19:40

اصل كان في الاف النسخ منتشرة في العالم. انت هتجمع كل النسخ دي وتحرفها؟ انت ايه عاوز تسرح بعقولنا؟ لا انت مئات النسخ دي انت هتجيبها منين اصلا؟ هل كانت عملية انتاج الكتب بهذه السهولة؟ علشان تقول لي الكتاب موجود بالملايين والالاف حول العالم فانت - 00:20:00

مستحيل تعرف دي نقطة مهمة جدا. فالكتاب كان بينقله ازاي؟ دلوقتي مرقص كتب الانجيل بتاعه وخلاص. عاوز يوزعه الناس. فيه معلوماتين فيه نقطتين كون ان انت تعرف نص الكتاب غير ان انت يكون عندك نسخة من - 00:20:20

كتاب يعني ايه؟ يعني كان ممكن يكون عنده كتاب قديم. اقول لك افضل يا استاذ محمد خد الكتاب ده اقف في وسط الكنيسة وقراب الشعب كله هيسمع ويعرف الانجيل اللي كتبه مرقص. لكن هل كان معهم نسخة؟ ما كانش معهم. فهم كانوا ممكن - 00:20:40

يكونوا يعرفوا نص معين لكن ما كانش عندهم مخطوطات فيها. وده يفسر مسلا حاجات كتير بنقرأها في كتابات الاباء نلاقي صيغة لنص معين عمرنا ما شفناه في اي مخطوطة. الراجل ده جاب النص ازاي؟ غالباً كان في نسخة بيقرأ منها هو سمعها واقتبسها - 00:21:00

من من الذاكرة لكن هو ما عندوش نسخة بها ولا عمره شاف النص ده بعينه. ما علينا. طبعاً الرواية الشفهية دي انا باسمع للناس الكتاب هم ما كانواش بيحفزوا الكتب. دلوقتي في بعض المسيحيين تأثراً بالمسلمين - 00:21:20

بيعملوا ايه؟ يقول لك آآ ده الانجيل ده كان محفوظ شفاهة ومنقول تواترا. الكهنة بيقولوا كده يعني ايه كلمة تواتر يعني

نقل الجيل عن الجيل جماعة كبيرة الناس بينقلوا لجماعة كبيرة من الناس بحيث يستحيل تواطؤهم على الكذب حتى لو فيهم
كزابين. يعني دلوقتي انا والعياذ بالله - 00:21:40

راجل كذاب لكن حواليا ناس كتير انا لو كدت اتفتش فعلشان في ناس كتير بتنقل لناس كتير ما بقدرش اكذب في وسطيهم فهو ده
معنى التواتر ان الجمع بينقل لجمع اخر بحيث يستحيل تواطؤهم على الكذب. مستحيل - 00:22:10

جيل بالكامل يتفقوا كلهم مع بعض ان هم ينقلوا الكتاب ويحرفوه. فده معنى كلمة تواتر حوار التواتر ده بقى المسيحيين ما يعرفوش
لا من قريب ولا من بعيد. بس ايه هم بيستخدموا كلمات كثيرة جدا بيكونوا - 00:22:30
بها من المسلمين بيستخدموها يعني. امال بقى ايه؟ مرقص لو كان عاوز ينشر كتابه للناس كان هي عمل ايه كان بيروح ايه يدور على
واحد ناسخ. في نقطة مهمة جدا عشان موضوع مئات النسخ اللي متوزعة في العالم والكلام ده وانت هتلهم كلهم ازاي؟ الكتاب فيه
كتاب يمكن معروف ما بينكم - 00:22:50

اسمه اللي هو تحريف اقوال يسوع. الراجل ده درس تاريخيا احوال انه الساخ المحترفين في الازمنة القديمة كان بينقل رواية مش
عارف جابها منين من مخطوطه اسرية او منقوشه على حجر او حاجة زي كده بيقول لك - 00:23:20

كبير الساخ في مدينة معينة في مصر كان بي عمل ايه؟ نص معين كده عنده. هو ما بيعرفش هو حافظ اشكال الحروف بس. عرف
الكلام ده منين؟ قال لك الجملة دي فيها مسلاكم حرف؟ واحد اتنين ثلاثة اربعة خمسة ستة - 00:23:40

ست حروب جه نقلها اول مرة صح. تاني مرة سقط منه الحرف الاولاني ففضل كل مرة الحرف ده سقط منه. كل مرة وهو بينقل نفس
الحرف ساقط منه. وبالتالي لما جم بيصوا على النص عرفوا ان الراجل ده مش فاهم هو بين - 00:24:00

ليه اصلا يعني الحرف سقط الجملة ما بقتش مفهومة فواضح الراجل ده بينقل عميانى وخلاص. ايام زمان لما كنا في المدرسة يقول
لك انقل الدرس ده مسلا عشر مرات كحقارب كنت بعمل ايه؟ اكتب الجملة كده مسلا ايه؟ آآ محمد آآ مسلا كان بيبقى بالانجليزي -
00:24:20

كده عشان انقله عشر مرات كنت بعمل ايه؟ كنت بقوم عامل واما اعیدهم عشر مرات. هو كان بي عمل كده. فبحس حاجة ساقط منه
في النص كله ضاع منه باظ التعليم في الازمنة القديمة كانت رفاهية. بمعنى ان انت لازم - 00:24:40

لازم تكون غني جدا علشان خاطر تتعلم ازاي تقرأ. كون ان انت تعرف تكتب بيقى انت راجل معجزة يعني يعني ممكن يكون الواحد
بيعرف انه يقرأ. لكن ما بيعرف انه - 00:25:10

خضت الكلام بالايد ما بيعرفش ازاي يمسك القلم ما بيعرفش يجيب حبر ورق الكلام ده ما يعرفوش. لكن لو جبت له ورقة يعرف
يقرأها دي مرحلة انه يا دوبك بيعرف يقرأ لكن ما بيعرفش يخط بالايد. طيب هو اتعلم انه يخط بالايد - 00:25:30
بقى بيعرف يمضي اسمه مسلا او حاجة زي كده. طب هل ده كده يؤهله انه يقدر مسلا يكتب رواية دي بتحتاج مهارات اعلى وهكذا.
هو نقطة المهارات دي النقاد بيستخدموها - 00:25:50

آآ في نقض الاناجيل الاربعة في نسبتها للتلاميذ. يقول لك بحسب النصوص الانجليدية التلاميذ دول كانوا صيادين سمك مكتوب عنهم
في اعمال الرسل انهم عديمة العلم وعميان. ازاي الناس دي تكتب وتألق يونانية ادبية بهذا المستوى العالي؟ وبالتالي - 00:26:10
الناس دي اصلا مكانوش من اتباع المسيح لكن احنا بنتكلم في مهارة النسخ نفسه ان اللي كان بيعرف تكتب ده كان قليل جدا يعرف
يكتب. ودي كانت نقطة بتعمل انتشار الكتاب. انت مش لاقي اصلا ينسخ لك. زيادة - 00:26:30

على كده ان مواد الكتاب نفسها لما تيجي تعمل كتاب آآ مسلا زي انجيل لوقا كتاب جيل لوقا ده يمكن احنا عشان بنشووفه متنسق
بطريقة طباعة بيان صغير لكن انت لو عاوز تشووفه مسلا في صفحة زي المخطوطة الفاتيكانية او السنانية - 00:26:50
تلacci ان هي معمولة مسلا على عشرين ورقة والورقة متقسّمة عواميد الورقة دي معمولة من ايه؟ معمولة من جلد غزال. طب انا
هجي هجيب الجلد ده منين؟ هروح آآ اشتري غزالة ولا ادبحها ولا بتحتاج تکاليف. ان انا اعد المواد. احنا بالنسبة لنا العملية دي سهلة
بتنزل - 00:27:10

بجنيه المكتبة يجيب لك رزمه قد كده تقدر تكتب فيهم شهرين ثلاثة. لكن هم عندهم الموضوع ما كانش بالسهولة دي الناسخ نفسه علشان يكتب ده كان صعب ان انت تلاقي ناسخ بيعرف يكتب. مواد الكتابة نفسها وتحضيرها - 00:27:30

ده كان صعب جداً آن انت تحضر كانت تحتاج انه حد يمول عملية انتاج الكتاب. لذلك تاريخياً لما ييجوا يلاحزوا انت نسخ العهد الجديد بقت منتشرة في العالم؟ قال لك بعد ما قسطنطين خلى المسيحية - 00:27:50

هي الديانة الرسمية للدولة اللي هو القرن الرابع بقينا نلاقي السينائية والفاتيكانية وسكندرية وبيزا وواشنطن ومخطوطات ضخمة فين المخطوطات دي في القرون الاولى ما فيش. لأن ما كانش في امكانية مسيحي عادي انه يتكلف مسل عمل هزا - 00:28:10

الكتاب كتاب من جلد غزال كده السنائية ده يجي طوله قد كده عهد قديم وجديد. مين اللي هيتحمل نفقة عمل كتاب زي كده. اتفضل اقف. لو كان في امكانية هل كانوا بيتحولوا لهم الفرصة اللي بتتواصل؟ اه تسمع ان في زمن الفترة - 00:28:30

الموقف ده من نتيجة ان جهد الشعب المصري اصلاً بلغة بلغة المخطوطات وكان باباً اصلاً فطبعاً نتيجة ان بينهم كان بيحاولوا يستخدموا شرطتهم بطريقة غير مشروعة. لجاً بعض الكتاب الى محاولة ترجمة - 00:28:50

الكتاب وطباعة الكتاب بعد كده او جمعه. بلغات اخرى. هل اصلاً كانوا بيحاولوا القصير حتى لو كان بيكتب كتابه؟ الموضوع ما كانش سهل الماضي. هو احنا لما بنجي نشوف النسخ الموجودة تاريخياً القديمة بـ نلاقي ان هم كانوا بيختاروا كتاب معين لوحده وينسخوه. فـ تلاقي مسلماً دي - 00:29:10

مخطوطة وما بتتشيلش غير انجيل يوحنا. طب فين بقية العهد الجديد؟ هو ده اللي قدر ينتجه. مش هيقدر يتحمل تكلفة آآ طبع كتاب بالكامل عشان كده بنقول تاريخ انتقال النص مش لسبعين وعشرين كتاب كلهم بتاع العهد الجديد. دلوقتي انت عنده مسلماً - 00:29:30

الاربع اناجين. عندك متى ومرقص ولوقا ويوحنا. كل واحد من دول اتكتب في مكان مختلف عن الثاني. كل واحد من دول له طريق. دي نسخة اتعلمت والنسخة دي اتعلمن منها كذا والنسخة دي - 00:29:50

اتعمل له شجرة عيلة لغاية ما نص الكتاب ده وصل لك سنة الفين وعشرة. طريق الكتاب ده غير طريق الكتاب ده. فيه حاجات حصلت في نص الكتاب ده غير حصل في مصر الكتاب ده. عشان كده كان في واحد مسيحي غلبان كان بيtalk على نص آآ اما - 00:30:10

ذلك اليوم وتلك الساعة فلا يعرفها احد ولا الملائكة الذين في السماء ولا البن الا البن ده نص مرقص. نص متى بحسب الفنان دايت بيقول لك الا ابي وحده - 00:30:30

وما فيش كلمة ولا البن. قال لك طيب لما تفتح ترجمات تانية في انجيل متى بتلاقي ان كلمة ولد ابني موجودة. تمام فبنقول ايه ان المسيحيين حفروا عباره وانا البن علشان ده آآ بينفي علم المسيح بالساعة فعاوزين يزيبطوا الموضوع - 00:30:40

فيجي واحد مسيحي ناصح يقول لك طب يا عم ما حرفه في مكة سابوه في مرقص ليه؟ ايه الرد؟ اه هو بيفكر ان تمر سلوك ويوحنا كانوا مع بعض في مجلد واحد وعلى طول السنين بيتنسخوا مع بعض. لا ده مرعش ده كان له طريق وفي - 00:31:00

في ناس كانوا بيتعاملوا مع نص انجيل مرقص لوحده. وناس كانوا بيتعاملوا مع نص انجيل متى لوحده. فالناس اللي وقع تحت ايديهم نسخ انجيل متى زبظوه بهذا ما نقارنـش بـ ايـن عـقـليـات الناس اللي اـتعـاملـت مع اـنجـيل متـى كان نفس عـقـليـات الناس اللي اـتعـاملـت مع اـنجـيل مرـقص ونـقـول اـشـعـنـا حـرـفـونـا وـما حـرـفـوشـ هنا - 00:31:20

تسـبـتـ اـيهـ؟ اـنـ هوـ الليـ مـاتـ. ماـ اـتـكـتبـوشـ معـ بـعـضـ. هـقولـ لكـ فيـ مـوجـودـ عـنـدـنـاـ كـمـ؟ اـهـ. قـبـلـ قـبـلـ السـنـةـ ديـ المـرـحلـةـ ديـ كـانـتـ الشـجـرـةـ بـقـىـ مشـ - 00:31:40

كل كتاب مكتوب لوحده. واحنا قلنا قبل آآ قبل ما الامبراطورية تحملت تكاليف عمل النسخ الكاملة دي. كان ايه ايه اللي بيحصل كان كل واحد بـينـسـخـ الكتابـ الليـ يـقدـرـ يـنسـخـهـ. فـ تـلاـقيـ مـخـطـوـطـةـ مـسـلـماـ فـيهـاـ اـنجـيلـ لوـكاـ وـاعـمالـ الرـسـلـ. مـخـطـوـطـةـ تـانـيـةـ ماـ فـيهـاشـ غـيرـ - 00:32:00

كلـ يـوحـناـ. مـخـطـوـطـةـ تـانـيـةـ ماـ فـيهـاشـ غـيرـ اـنجـيلـ متـىـ. وـمـخـطـوـطـةـ تـانـيـةـ ماـ فـيهـاشـ غـيرـ سـفـرـ الرـؤـياـ. وـطـبـيعـيـ اـصـلاـ لـماـ نـيـجيـ نـتـكـلمـ عنـ

الكتب دي هل انجيل متى مرؤوا سلوك او يوحنا الاربعة كتبهم نفس الشخص؟ لو مثلا بحسب كلامهم يقول لك مرقص ده كتب في روما ومش عارف مين كتب - 00:32:20

فين في اسكندرية ومش عارف وهكذا مختلفين عن الحوار ده. المهم ان انت في الآخر بتلاقي ان في انجيل اتكتب في اوروبا وفي انجيل اتكتب في الشرق الاوسط ازاي الاثنين مع بعض؟ وبعدين في مجمع في حصل اختيار للانجيل في الهيئة التموينية جدا - 00:32:40

ايه اللي هم ما كانواش مع بعض وهم انطقو؟ انت قربت في مرجع الكلام ده؟ ولا سمعتم شفاه تاني بدور على المراجعة هو غالبا العلماء آآ بيقولوا ان آآ ما كانواش فيه اختيار للانجيل في مجمع - 00:33:00

اه ما علينا في موضوع اختيار هم كانوا بيختاروا الانجيل بس ايه على حسب ما كتاب يظهر بيشوفوا ده فيه انجيل الناس بتقراره الانجيل ده ينفعناش وما ينفعناش وهكذا يعني على حسب ما - 00:33:20

في حد فهم يعني ايه تاريخ انتقال نص كل كتاب كان له نسخة اصلية عبر الزمن بنسخ بنسخ اليدي لغاية ما وصل لنا. لغاية زمن الطباعة يعني. طيب دلوقتي ايه المشكلة؟ ليه في حاجة اسمها نقد ادنى؟ ليه المسيحيين اصلا بيحتاجوا - 00:33:40
انهم يدرسوا سبوت النص. هل النص اصلا مش سابت عندهم؟ دلوقتي لو انت مسكت الترجمة العربية المشتركة ومسكت الفاندين وفتحت على رسالة يوحنا الاولى خمسة سبعة. هتلacci ان النص في الفانديك نص طويل. الذين يشهدون في السماء هم ثلاثة اباب والكلمة والروح القدس - 00:34:10

الثلاثة هم واحد. هتتيجي تفتحه في العربية المشتركة هتلacci النص بيقول والذين يشهدون ثلاثة. والنص بيقف كده. كاتب الرسالة دي لما جه يكتب بايده في النسخة الاصلية. كتب النص بالشكل القصير ولا كتب النص بالشكل الطويل؟ طب هيعرفوا منين؟ وايه اللي - 00:34:40

ادى الى ان في نسخ فيها نص بشكل قصير ونسخ فيها النص بشكل طويل. فكر معين هو دلوقتي سؤال بسيط. المسيحي بيقول لك ايه؟ انت مش بتقول ان الكتاب محرف؟ بتقول ولا ما تقولش - 00:35:10

اكتبوه. طب فين النسخة اللي مش محرفة؟ ده السؤال هو مش فاهمه اصلا دلوقتي انا كتبت رسالة بايدي. مولانا وسام نقله ومولانا محمد نقله نالوا بخط ايده. الاخ محمد اسقط جملة. وآآ الاخ وسام اثبت - 00:35:30

جملة اويس جه يقرأ نسختك ونسخته. لقى ان فيه اختلاف ده فيه جملة عند وسام موجودة عند محمد. هيعرف منين ان الجملة دي موجودة ولا لا؟ هيقوم اويس واحد موبايده الو يا - 00:36:00

انت كتبت الجملة دي ولا ما كتبتش؟ اه كتبت. بيقى خلاص هي كانت موجودة. لو كان عنده الاصل بيقى ما كانواش ففي مشاكل اصلا. لان اي اختلاف هتقوم انت راجع للمصدر اللي عندك اللي اتنقل منه كل النسخ. وهتشوف اي - 00:36:20

في مشاكل عندك يا باشا نخطف رجلينا لغاية المتحف الفلاني نشوف الرجال كتب ايه وخلاص الموضوع انتهى. وبالتالي كانوا هيتفقوا على وما كنش هيحصل اي مشاكل. امال ايه الحوار؟ لا لا الموضوع الاسفار ما لوش دعوة بالنص - 00:36:40

الحوار كله في نقطتين. ان النسخة الاصلية اللي الرجال كتبها بايده دي ما بقتش موجودة ما بقتش موجودة ليه؟ هي دي مش مشكلتنا كمسلمين؟ لكنهم بيطروا اسباب كتيرة. واحد يقول لك دي اصلها كانت موجودة - 00:37:00

على مواد ما تستحملش البقاء في هذه المدة الزمنية. واحد قال لك حتى لو كانت طبقة يعني انت لو جبت ورقه وحطتها في بتاع ازا لاهم ما كانواش بيعملوا كده من كتر استعمال الكتاب وفتحه وقفله وهاته يا عم عشان نقرأ منه ومش عارف ايه وبتاع تهرق وباظ - 00:37:20

واحد تاني يقول لك لأ ده احتمال في ازمنة الاضطهاد ده خد الكتب كلها ورمها في النار. زي ما يسدس القيصري بيقول تمام؟ فهم بيطروا اسباب كتيرة المهم الامر الواقع ان النسخة الاصلية مش موجودة. طمنين نسبة الكلام - 00:37:40

عقلا لو النسخة الاصلية موجودة قل لي هي فين بس لازم تحدد المسيحي ايه هي النسخة الاصلية لانه زي ما قلنا يقول لك نسخة

اصلية يعني اي نسخة قديمة للكتاب المقدس. لازم تقول له انا اقصد بالنسخة الاصلية النسخة اللي كتبها المؤلف بایده. هل النسخة
دي موجودة - 00:38:00

من سنة خمسين ميلاديا نسخة من سنة خمسة وتسعين ميلاديا هل دي موجودة؟ مش هيعرف يقول له مش موجودة. البابا شنودة
نفسه عمره ما قال النسخة الاصلية موجودة. زكريا بطرس الكداب الاشر عمره ما قال الموضوع ده. دائمًا بيجيبوا المخطوطات
المشهورة السينائية والاسكندرية. هل دي النسخ الاصلية - 00:38:20

النسخ دي موجودة في القرن الرابع والخامس. بعد الاصول بيتاع متين تلتزمت سنة. تمام؟ مستحيل دي تكون نسخة اصلية. فبالتالي
النسخة الاصلية مش موجودة. دي اول نقطة. لو الاصل كان موجود اي مشاكل كنا نرجع للاصل والموضوع يتحل. طب ايه -
00:38:40

النقطة الثانية النقطة الثانية ان انا عندي مخطوطات كتير ما بينها اختلافات. تعرف انت لو كان كل النسخ عندهم متطابقة ما كانش
هيبقى عندهم حاجة يختلفوا عليها. لكن هم علشان رجعوا للمخطوطات القديمة لقوا فيه نصوص - 00:39:00

موجودة هنا في نسخة ونسخة تانية حفظ النصوص دي او موجودة بشكل اخر يعني هنا يقول لك ابن الله هنا يقول لك ابن الانسان
طب هو قال انهي فيه الاختلاف بالإضافة الى عدم وجود الاصل ادى الى الاحتياج للنقد النصي - 00:39:20

فالنقد النصي عبارة عن ايه؟ عبارة عن دراسة النسخ المتاحة دراسة المخطوطات في محاولة للوصول للاصل المفقود. هو ما عندوش
الاصل. وعنه مخطوطات فيحاول من خلال دراسة المخطوطات انه يصل للاصل اللي ضاع منه. او اقرب صورة للقص -
00:39:40

انا هكتفي بالموضوع ده علشان الناس اللي ورا دي نامت فنريهم شوية - 00:40:10